



Na osnovu člana 37. stav (1) Zakona o lovstvu („Službene novine Federacije Bosne i Hercegovine" broj 4/06, 8/10 i 81/14), Odluke o osnivanju lovišta na području Srednjobosanskog kantona („Službene novine SBK/KSB", broj 14/20), Ministarstvo poljoprivrede, vodoprivrede i šumarstva Srednjobosanskog kantona/Kantona Središnja Bosna, raspisuje|

**JAVNI POZIV
za prikupljanje ponuda za dodjelu u zakup sportsko-privrednih lovišta na području
Srednjobosanskog kantona**

Najpovoljnijem ponuđaču koji ispunjava kriterije iz javnog poziva na period od 10 (deset) lovnih godina dodijelit će se sportsko-privredna lovišta, osnovana Odlukom o osnivanju lovišta na području Srednjobosanskog kantona „Službene novine SBK/KSB", broj 14/20 , kako slijedi:

1. Sportsko-privredno lovište „BUGOJNO", Bugojno, ukupne površine lovišta	36.100,00 ha,
2. Sportsko-privredno lovište „DONJI VAKUF", Donji Vakuf, ukupne površine lovišta	32.000,00 ha,
3. Sportsko-privredno lovište "JAJCE", Jajce, ukupne površine lovišta	33.900,00 ha,
4. Sportsko-privredno lovište „DOBRETIĆI", Dobretići, ukupne površine lovišta	5.900,00 ha,
5. Sportsko-privredno lovište "VITEZ", Vitez, ukupne površine lovišta	15.900,00 ha,
6. Sportsko-privredno lovište "BUSOVAČA", Busovača, ukupne površine lovišta	15.800,00 ha,
7. Sportsko-privredno lovište "KISELJAK", Kiseljak, ukupne površine lovišta	16.500,00 ha,
8. Sportsko-privredno lovište "KREŠEVO", Kreševo, ukupne površine lovišta	14.900,00 ha,
9. Sportsko-privredno lovište "FOJNICA", Fojnica, ukupne površine lovišta	30.600,00 ha,
10. Sportsko-privredno lovište „VLAŠIĆ-SOKOL“ Travnik, ukupne površine lovišta	53.200,00 ha.

Opći kriteriji:

Pravo učešća na javnom pozivu za dodjelu sportsko privrednih lovišta u zakup imaju lovačka udruženja koja ispunjavaju opće kriterije iz Javnog poziva i to:

- da imaju uredno popunjena prijavu na prijavnom obrascu, potpisanu i ovjerenu od podnosioca prijave na Javni poziv,
- da imaju urednu registraciju za obavljanje djelatnosti lovstva,
- da imaju uvjerenje o poreskoj registraciji (ID-broj),
- da su osigurali finansijska sredstva za provođenje lovno-privredne osnove, za spriječavanje i nadoknadu šteta od divljači kao i na divljači i lovištu,
- da se protiv istih ne vodi postupak i da nisu dva ili više puta u toku lovne godine kažnjavana za prekršaj iz člana 82. stav 1. tačka 1., 2., 3., 4. i 5. Zakona o lovstvu („Službene novine Federacije BIH“ broj 4/06, 8/10 i 81/14), potvrdu o nekažnjavanju pribaviti od nadležnog suda,
- da je član nekog od Saveza (Saveza lovačkih organizacija BIH ili lovačkog Saveza Herceg Bosne),
- da će osigurati da u gospodarenju lovištem imaju saradnju stručnih lica za planiranje i realizaciju stručnih poslova i zakonskih odredbi, u skladu sa članom 42. Zakona o lovstvu,
- da će organizovati lovočuvarsku službu u roku od tri mjeseca od dana potpisivanja ugovora o dodjeli lovišta.

Ponuđači moraju dostaviti slijedeću dokumentaciju:

-Obrazac prijave koji obavezno treba da bude popunjen slijedećim podacima:

naziv ponuđača, sjedište, ime- kontakt osobe i broj telefona, naznaku sportsko privrednog lovišta za koje se konkuriše, iznos ponuđene godišnje zakupnine u KM za lovište za koje se konkuriše, čitko napisano ime i prezime ovlaštenog lica, svojeručni potpis ovlaštenog lica i pečat, mjesto i datum popunjavanja prijave i **obavezno taksirano navesti pojedinačno dostavljenu dokumentaciju.**

Ispunjavanje općih kriterija dokazuje se slijedećom dokumentacijom:

1. Ovjerena fotokopija Rješenja ministarstva za pravosuđe i upravu Srednjobosanskog kantona o upisu u registar udruženja i fondacija.
2. Dokaz o prijavi kod nadležne Porezne uprave da se poslovanje vodi preko računa u banci, u originalu ili ovjerenoj fotokopiji.
3. Bilans stanja i bilans uspjeha za prethodnu godinu ovjeren od Agencije za finansije, informatičke i posredničke usluge „AFIP“.
4. Izvod iz banke o stanju na računu za prethodni mjesec, u originalu ili ovjerenoj fotokopiji.
5. Dokaz da je član nekog od Saveza (Saveza lovačkih organizacija BIH ili lovačkog saveza Herceg Bosne), za asocijacije - osnivači asocijacije su obavezni priložiti dokaz o pripadnosti nekom od Saveza u originalu ili ovjerenoj kopiji.
6. Ovjerenu izjavu od strane ponuđača da će ukoliko bude izabrano Lovачko udruženje formirati stručnu službu korisnika lovišta, u skladu sa članom 42. Zakona o lovstvu Federacije BIH, u roku od tri mjeseca od dana potpisivanja ugovora o dodjeli lovišta u zakup.
7. Ovjerenu izjavu od strane ponuđača da će ukoliko bude izabrano Lovачko udruženje, formirati lovočuvarsku službu a u skladu sa članom 75. Zakona o lovstvu Federacije BIH u roku od tri mjeseca od dana potpisivanja ugovora o dodjeli lovišta u zakup.

Posebni kriteriji:

Za ispunjavanje posebnih kriterija potrebno je dostaviti slijedeću dokumentaciju:

1. Zakupnina za korištenje lovišta-cijena,

-ovjerena izjava o ponuđenoj godišnjoj zakupnini-**ponuda** za korištenje sportsko privrednog lovišta,

-cijena ne može biti manja od 10 % planiranog godišnjeg prihoda od odstrjela divljači iz važeće lovno-privredne osnove ili privremenog godišnjeg plana gospodarenja divljači, a koja je obračunata u skladu sa članom 5. Cjenovnika odstrela i upotrebe divljači, te drugih usluga u lovištima na bazi tržišne vrijednosti („Službene novine Federacije BIH“, broj 74/12.)

2. Ovjerenu izjavu od strane ponuđača da će ukoliko bude izabrano Lovачko udruženje u zakonom predviđenom roku (godinu dana, računajući od dana preuzimanja lovišta), donijeti Lovno-privrednu osnovu kao dugoročni plan gospodarenja lovištem, a u skladu sa njom godišnje planove gospodarenja lovištem do 30. aprila tekuće godine, kao i da će izvještaj o izvršenju godišnjeg plana dostaviti do 31. maja tekuće godine, u skladu sa članovima: 45. stav (4) i 49. Zakona o lovstvu i odredbama Pravilnika o sadržaju, načinu i nositeljima izrade, odnosno odobravanja lovno privredne osnove, godišnjeg i privremenog plana gospodarenja lovištem („Službene novine Federacije BIH“, broj 63/06).

3. Ovjerenu izjavu od strane ponuđača da će ukoliko bude izabrano Lovачko udruženje posjedovati u vlasništvu psa obučenog za praćenje krvnog traga-krvosljednika u skladu sa članom 10. Zakona o lovstvu FBIH.

4. Ovjerenu izjavu od strane ponuđača o posjedovanju lovačkih pasa odgovarajuće pasmine, u skladu sa članom 10. Zakona o lovstvu Federacije BiH.
 - ovjerena evidencija lovačkih pasa koje posjeduju članovi Lovačko udruženja, prema tabeli, koja se preuzima uz obrazac za aplikaciju uz poziv.

5. Ostvareni rezultati u dosadašnjem gospodarenju:
 - ovjerena kopija evidencije vrijednih trofeja (sa jednom od medalja prema kriterijima CiC-a) u skladu sa članom 3. stav 2. Pravilnika o obrascu, sadržaju, načinu i postupku izdavanja potvrda i trofejnog lista za trofeje odstrijeljene divljači („Službene novine Federacije BiH“, broj 63/06),
 - tabelarni i grafički prikaz brojnog stanja divljači u odnosu na kapacitet lovišta u prethodnih 10 (deset) godina, ovjeren od strane ponuđača,
 - tabelarni i grafički prikaz planiranog i realizovanog odstrela u prethodnih 10 (deset) godina, ovjeren od strane ponuđača,
 - dokaz o realizovanom komercijalnom odstrelu u u prethodnih 10 (deset) godina,(izvod iz banke, kopija uplatnice, kopija trofejnog lista, kopija propratnice u originalu ili ovjerenoj fotokopiji),
 - ovjerenu izjavu od strane ponuđača o tehničkoj opremljenosti prema dosadašnjem katastru lovišta, u kome će biti navedeni lovno-tehnički i lovno-uzgojni objekti.

6. Ovjerenu izjavu od strane ponuđača da će ukoliko bude izabrano Lovačko udruženje, u skladu sa Zakonom o lovstvu Federacije BiH formirati komisiju za ocjenjivanje trofeja.

- 7.Ovjerenu izjavu od strane ponuđača o broju članova asocijacije i posebno sa članovima svakog Lovačkog udruženja koje čine asocijaciju.

Navedena dokumentacija se obavezno dostavlja u originalu ili ovjerene fotokopije, ne stariji od 6 (šest) mjeseci.

Javni poziv ostaje otvoren 30 (trideset) dana od dana objavljivanja dnevnom listu Oslobođenje, na oglasnoj ploči ovog Ministarstva i na web stranici Vlade Srednjobosanskog kantona-Kantona Središnja Bosna“.

Prijave sa traženom dokumentacijom dostaviti u zatvorenoj koverti putem pošte preporučeno ili na pisarnicu Vlada SBK-KSB, Ministarstvo poljoprivrede, vodoprivrede i šumarstva SBK/KSB, na sljedeću adresu:

**Ministarstvo poljoprivrede, vodoprivrede i šumarstva
Srednjobosanskog kantona/Kantona središnja Bosna
Prnjavor 16 A, Travnik**

**(sa naznakom: „PRIJAVA NA JAVNI POZIV ZA DODJELU SPORTSKO-PRIVREDNIH
LOVIŠTA U ZAKUP - LOVIŠTE _____ -NE OTVARAJ")**

Komisija za provođenje procedure dodjele sportsko-privrednih lovišta u zakup na području Srednjobosanskog kantona/Kantona Središnja Bosna izvršit će javno otvaranje blagovremenih prispjelih prijava na Javi poziv gdje će se prisutni informisati o potpunosti dostavljene dokumentacije te o ponuđenoj godišnjoj zakupnini za korištenje lovišta, a o terminu otvaranja prethodno će biti blagovremeno pismeno obaviješteni svi učesnici u Javnom pozivu.

Formalnu ispravnost dostavljene dokumentacije komisija će naknadno utvrđivati. Lica koja budu prisustvovala otvaranju prijava na Javni poziv, prije početka otvaranja ponuda, dostavit će Komisiji punomoć u pisanoj formi.

Komisija će izvršiti bodovanje prijavljenih ponuđača prema kriterijima utvrđenim aktom Ministarstva za poljoprivredu, vodoprivredu i šumarstvo SBK/KSB broj : 06-05-2750-1 /20.

a to su:

1. zakupnina za korištenje lovišta-cijena,
2. posjedovanje izgrađenih lovno tehničkih i lovno-uzgojnih objekata za lovište na koje se aplicira,
3. ostvareni rezultati u dosadašnjem gospodarenju za lovište na koje se aplicira,
4. broj korisnika -članova Lovačkog udruženja.

Nakon izvršenog bodovanja po utvrđenim kriterijima koje je propisalo Ministarstvo poljoprivrede, vodoprivrede i šumarstva, komisija će pismenim putem obavijestiti ponuđače čije su prijave razmatrane, te o rezultatima bodovanja.


Informacije koje se odnose na Javni poziv mogu se dobiti svakim radnim danom u periodu od 9,00 do 12,00 sati na telefon 030/511-218 a obrazac prijave sa pratećom dokumentacijom može se preuzeti na web stranici Vlade Srednjobosanskog kantona (www.sbk-ksb.gov.ba).

Po zatvaranju Javnog poziva neće se primati dopune naprijed tražene dokumentacije.
Nepotpune i neblagovremene prijave neće se uzeti u razmatranje.

Ministarstvo poljoprivrede, vodoprivrede i šumarstvo Srednjobosanskog kantona/Kantona Središnja Bosna zadržava pravo poništenja Javnog poziva i ne snosi nikakve troškove po isteku i u toku postupka prikupljanja i podnošenja prijava na Javni poziv.

Broj: 06-05-2750-2 /20

Travnik, 18.01.2021. godine



MINISTAR


Salkan Merdžanić, mr.sci.